


ISSN 2831-1604



BILTEN

ZAVODA ZA JAVNO ZDRAVSTVO
FEDERACIJE BOSNE I HERCEGOVINE

Broj 10

Sarajevo/Mostar, 2025.



Zavod za javno zdravstvo Federacije BiH u sklopu projekta eHospital4Future: Trening trenera i posjeta Latviji

Riga, 4.4.2025. godine

U okviru međunarodnog projekta eHospital4Future održan je trening trenera na kojem su u ime Zavoda za javno zdravstvo Federacije BiH prisustvovali doc. dr. sc. prim. Siniša Skočibušić, dr. med.- direktor Zavoda i dr. sc. Šeila Cilović-Lagarija, dr. stom.- voditeljica Službe za biostatistiku i informatiku.

Pored treninga, organizovana je i posjeta



Pauls Stradins Clinical University Hospital i njenom istraživačkom institutu koji su, kao jedan od partnera projekta i organizator treninga, omogućili učesnicima da se detaljnije upoznaju s najnovijim metodama istraživanja i primjenom savremenih tehnologija u zdravstvenoj praksi.



Učešće Zavoda za javno zdravstvo Federacije BiH u XXII Školi nefrologije

Sarajevo, 5.4.2025. godine

Kao dio kontinuiranih nastojanja u promociji zdravlja, Zavod za javno zdravstvo Federacije BiH učestvovao je u radu skupa organizovanog od strane Udruženja ljekara za nefrologiju, dijalizu i transplantaciju bubrega u BiH, naziva "Prevenција bubrežne bolesti", održanog u hotelu Ibis Styles Sarajevo.



Skup je okupio stručnjake iz oblasti nefrologije, porodične medicine te javnog zdravlja, a predstavnica Službe za promociju zdravlja Zavoda za javno zdravstvo Federacije BiH dr. Elvedina Žiga, održala je prezentaciju na temu "Javnozdravstveni značaj zaštite zdravlja bubrega".



Obilježen Svjetski dan zdravlja 2025.

Sarajevo, 7.4.2025. godine

Jednogodišnja javna kampanja o zdravlju porodilja i novorođenčadi naziva "Zdravi počeci, nada u budućnost", dio je aktivnosti na globalnom nivou u sklopu obilježavanja Svjetskog dana zdravlja 2025. Pokrenuta je u Sarajevu, 7. aprila 2025. godine ispred Aria centra kao plod zajedničke saradnje više institucija - Zavoda za javno zdravstvo Federacije BiH, Srednje medicinske škole Jezero-Sarajevo, Za-



voda za javno zdravstvo Kantona Sarajevo i JU Domovi zdravlja Kantona Sarajevo.

Kampanja fokusirana na važnost zdravog razvoja djece i adolescenata, osnova za zdravu odraslu populaciju i održivu budućnost naglašava da rani period života - od trudnoće do ranog djetinjstva, ima ključnu ulogu u oblikovanju zdravlja tokom cijelog života.



Počela realizacija sedme faza Programa "Zdravo jedi, zdravo rasti"

Sarajevo, 7.4.2025. godine

Povodom početka realizacije sedme faze intersektorskog Programa "Zdravo jedi, zdravo rasti", u Zavodu za javno zdravstvo Federacije BiH održan je sastanak tima za realizaciju Programa, na kojem su predstavljene programske aktivnosti, plan i zadaci te vremenski okvir implementacije Programa u 2025. godini.

Program će se provoditi kroz mrežu kantonalnih zavoda za javno zdravstvo, kantonalnih ministarstava zdravstva, kantonalnih ministarstava obrazovanja, općina, dok će u ovoj, sedmoj fazi biti obuhvaćeno 38 odgojno-obrazovnih ustanova.

Programske aktivnosti su podržane od UNICEF BiH, a implementira ih Zavod za javno zdravstvo Federacije BiH. Program se



provodi u saradnji s Federalnim ministarstvom zdravstva, Federalnim ministarstvom obrazovanja i nauke te nizom vladinih partnera s lokalnog nivoa, nevladinih i međunarodnih partnera.



Zavod za javno zdravstvo Federacije BiH predstavio se na 26. Mostarskom sajmu privrede

Mostar, 8.-12.4.2025. godine

Zavod za javno zdravstvo Federacije BiH predstavio se i na ovogodišnjem, 26. Mostarskom sajmu privrede među stotinama izlagača iz zemalja regije, Evrope i svijeta.

Sektor zdravstvene ekologije s pripadajućim službama i odjelima i Ambulanta za nadzor zdravstvenog stanja stanovništva predstavili su svoje djelatnosti, usluge i kapacitete partnerima s kojima Zavod saraduje već godinama,



budućim partnerima kao i široj javnosti.

Posjetioци 26. Mostarskog sajma privrede imali su priliku na zavodskom štandu razgovarati sa zaposlenicima Zavoda, dobiti korisne informacije i informativno-edukativne materijale o javnozdravstvenim temama, uraditi besplatnu mikrobiološku analizu uzoraka vode za ljudsku potrošnju te izmjeriti šećer u krvi i krvni pritisak.



Delegacija UNICEF-a BiH posjetila Zavod za javno zdravstvo Federacije BiH

Mostar, 9.4.2025. godine

Zavod za javno zdravstvo Federacije BiH – Organizacijska jedinica u Mostaru, ugostio je delegaciju UNICEF-a BiH na čelu s Predstavnikom UNICEF-a BiH g. Marcom Lucetom. Delegaciju su činile i mr. sc. Jela Aćimović, voditeljica Sektora za zdravstvo, rani rast i razvoj i ishranu UNICEF-a BiH i saradnica Aldina

Bukva Mahmutović, menadžerica ranog rasta i razvoja i ishrane iz Odjela za zdravstvo, rani rast i razvoj i ishranu UNICEF-a BiH.

Održan je radni sastanak s direktorom Zavoda doc. dr. sc. prim. Sinišom Skočibušićem, dr. med. i njegovim najbližim saradnicima koji su ugostili stalne partnere.



Zavod za javno zdravstvo Federacije BiH i UNICEF BiH zajedno za poboljšanje ishrane i zdravlja djece

Mostar, 9.4.2025. godine

U Zavodu za javno zdravstvo Federacije BiH – Organizacijska jedinica u Mostaru potpisana je Izjava o zajedničkoj posvećenosti na realizaciji sedme faze intersektorskog Programa “Zdravo jediti, zdravo rasti” između Zavoda za javno zdravstvo Federacije BiH i UNICEF-a BiH s ciljem unaprjeđenja prehrambenih navika, povećanja fizičke aktivnosti i promocije zdra-

vih stilova života kod djece. Program će unaprijediti ishranu dojenčadi, predškolske i školske djece u Federaciji BiH te poboljšati stanja njihove uhranjenosti, rasta i razvoja.

Izjavu su potpisali direktor Zavoda za javno zdravstvo Federacije BiH doc. dr. sc. prim. Siniša Skočibušić, dr. med. i predstavnik UNICEF-a u BiH g. Marc Lucet.



Veliki interes za akciju mjerenja šećera u krvi i krvnog pritiska

Mostar, 10.4.2025. godine

U sklopu ovogodišnjeg, 26. Mostarskog sajma privrede Zavod za javno zdravstvo Federacije BiH organizovao je na svom štandu akciju besplatnog mjerenja šećera u krvi i krvnog pritiska. Ova akcija imala je za cilj podizanje svijesti o važnosti redovnih zdravstvenih pre-

gleda i prevenciji bolesti. Akciji su se pridružili izlagači na Sajmu, posjetioци i stanovništvo.

Rano otkrivanje visokog pritiska i šećera u krvi ključno je u sprječavanju srčanog i moždanog udara, oštećenja bubrega, vida i mnogih drugih komplikacija koje nose ove bolesti.





Održana radionica “Dan zdravlja i sigurne hrane”

Kakanj, 14.4.2025. godine

U organizaciji Svjetske zdravstvene organizacije (WHO) – Kancelarija u BiH, Organizacije za prehranu i poljoprivredu Ujedinjenih naroda (Food and Agriculture Organization – FAO) i Instituta za zdravlje i sigurnost hrane Zenica (INZ), održana je radionica “Dan zdravlja i sigurne hrane”.

Stručnjaci i predstavnici zdravstva, poljoprivrede i obrazovanja razgovarali su o značaju

sigurnosti hrane, zdravih stilova života i održivog razvoja prehrambenih sistema u Bosni i Hercegovini. Radionica je obuhvatila teme vezane za uticaj ishrane na zdravlje stanovništva, lokalnu poljoprivrednu proizvodnju i prehrambenu sigurnost, inspeksijski nadzor i zdravstvenu ispravnost hrane te povezanost sigurnosti hrane s ciljevima održivog razvoja (SDG).



GOARN radionica u Podgorici okupila regionalne stručnjake

Podgorica, 14.-15.4.2025. godine

Institut za javno zdravlje Crne Gore bio je domaćin regionalne radionice u okviru Globalne mreže za upozorenje i reagovanje (GOARN – Global outbreak alert and response network), posvećene jačanju kapaciteta za odgovor na zdravstvene krize. Ova mreža obezbjeđuje razmjenu znanja i iskustva između javnozdravstvenih ustanova, a prije svega u odnosu na

kontrolu epidemija i vanrednih situacija.

Radionica je okupila predstavnike zavoda za javno zdravstvo iz regiona, a u ime Zavoda za javno zdravstvo Federacije BiH prisustvovali su dr. Rozalija Nedić, specijalista epidemiolog iz Službe za epidemiologiju zaraznih bolesti Zavoda za javno zdravstvo Federacije BiH i glasnogovornik Senad Dorić.



**SVJETSKI DAN
HEMOFILIJE**

17.4.2025.

World Hemophilia Day April 17
Raising awareness of bleeding disorders

WfH COMPREHENSIVE CARE SUMMIT

INSTITUTE FOR PUBLIC HEALTH FBiH




Predstavnici Zavoda za javno zdravstvo Federacije BiH na međunarodnoj biotehnološkoj konferenciji u Kini

Peking, 16.-18.4.2025. godine

Predstavnici Zavoda za javno zdravstvo Federacije BiH doc. dr. sc. prim. Siniša Skočibušić, dr. med.- direktor i prof. dr. sc. prim. Sanjin Musa, dr. med.- voditelj Službe za epidemiologiju zaraznih bolesti učestvovali su na konferenciji BIOTEC-CHINA 2025, koja se održala

u pekinškom konferencijskom centru Huanghe Jingdu u Kini. Konferencija je bila prilika za prikazati rezultate studije efikasnosti Sinopharm vakcine protiv COVID-19, koja je provedena u Federaciji BiH.



U Zavodu za javno zdravstvo Federacije BiH – OJ u Sarajevu organizovana dobrovoljna akcija darivanja krvi

Sarajevo, 21.4.2025. godine

Zavod za javno zdravstvo Federacije BiH – Organizacijska jedinica u Sarajevu i Zavod za transfuzijsku medicinu Federacije Bosne i Hercegovine zajednički su organizovali akciju dobrovoljnog darivanja krvi u prostorijama ZZJZ FBiH.

Djelatnici Zavoda su se u značajnom broju odazvali pozivu nadležnih iz Zavoda za transfuzijsku medicinu Federacije Bosne i Hercegovine te su od 10:00 do 13:00 sati kao dobrovoljni darivaoci krvi nesebično pomogli realizaciju akcije “Budi cool, daruj krv”.





Održana obuka stomatoloških timova domova zdravlja Hercegovačko-neretvanskog kantona

Hercegovačko-neretvanski kanton, 23.-25.4.2025. godine

Program mjera zaštite oralnog zdravlja u Federaciji BiH “Zube pregledaj – osmijeh sačuvaj”, koji je do sada uspješno realizovan u Podrinjskom, Zapadnohercegovačkom i Kantonu 10, u najnovijem ciklusu aktivnosti proširen je i na Hercegovačko-neretvanski kanton.

Predstavnici Zavoda za javno zdravstvo Federacije BiH održali su obuku stomatoloških

timova domova zdravlja iz ovog kantona. Fokus ovog ciklusa su djeca rođena 2013. i 2019. godine.

Cilj programa je rano otkrivanje i prevencija oralnih bolesti kod šestogodišnjaka i dvanaestogodišnjaka, kao i edukacija djece i njihovih roditelja o važnosti redovne i pravilne oralne higijene.





Održan okrugli stol povodom Evropske sedmice imunizacije

Sarajevo, 25.4.2025. godine

Zavod za javno zdravstvo Federacije BiH, u saradnji s Federalnim ministarstvom zdravstva, Kancelarijom Svjetske zdravstvene organizacije u BiH i UNICEF-om BiH organizovao je u Organizacijskoj jedinici u Sarajevu, Okrugli stol povodom obilježavanja Svjetske i Evropske sedmice imunizacije.

Stručnjaci iz oblasti imunizacije razgovarali



su o obuhvatu imunizacijom djece i mladih u 2024. godini, aktuelnoj situaciji u provođenju Programa imunizacije u Federaciji BiH, unaprjeđenju hladnog lanca u Federaciji BiH, epidemijama morbila i pertussisa u Federaciji BiH u 2024. godini i drugim temama iz područja imunizacije.



Učešće Zavoda za javno zdravstvo FBiH na skupu “Zajedno za zdravo radno okruženje”

Sarajevo, 28.4.2025. godine


S ciljem promocije zdravog života radno aktivne populacije u skladu s evropskim standardima, u hotelu Hills u Sarajevu održan je skup “Zajedno za zdravo radno okruženje”, u organizaciji Udruženja za prevenciju ovisnosti NARKO-NE i Zavoda za javno zdravstvo Federacije Bosne i Hercegovine, koji je okupio rukovodioce službi i predstavnike odjela za ljudske resurse iz različitih ustanova i kompanija s područja Kantona Sarajevo.

Na skupu su predstavljeni rezultati Istraživanja nadzora i zaštite zdravlja zaposlenika u

Federaciji BiH s fokusom na bolesti ovisnosti, koje je proveo ZZJZ FBiH u partnerstvu s Udruženjem za prevenciju ovisnosti NARKO-NE te uz podršku Udruženja poslodavaca FBiH.

U Istraživanju su učestvovala ukupno 104 ustanove, kompanije i organizacije s različitim spektrom funkcija i djelatnosti u javnom i privatnom sektoru koje su relevantne za analizu o aktuelnom stanju, procedurama i politikama prevencije bolesti zavisnosti kod zaposlenih.





ZZJZ FBiH pokrenuo istraživanje “Mapiranje dostupnosti zdravstvenih resursa i usluga povezanih s imunizacijom u domovima zdravlja u Federaciji BiH”

Federacija BiH, maj 2025. godine

Zavod za javno zdravstvo Federacije BiH u saradnji s kantonalnim zavodima za javno zdravstvo, pokrenuo je istraživanje “*Mapiranje dostupnosti zdravstvenih resursa i usluga povezanih s imunizacijom u domovima zdravlja u Federaciji Bosne i Hercegovine*”, koje će procijeniti trenutnu situaciju u pogledu usluga imunizacije u primarnim zdravstvenim ustanovama širom Federacije BiH.

Cilj istraživanja je identifikacija slabih tačaka u pružanju imunizacijskih usluga i predlaganje konkretnih mjera za poboljšanje, a fokusirano je na nekoliko ključnih aspekata koji uključuju raspoloživost i kapacitete zdravstvenog kadra, dostupnost usluga imunizacije, dostupnost i kapacitete za skladištenje vakcina, kao i evidenciju i izvještavanje.





Zavod za javno zdravstvo Federacije BiH posjetili stručnjaci iz TFGH-a i SECID-a

Sarajevo, maj 2025. godine

U Evropskoj i Svjetskoj sedmici imunizacije, Zavod za javno zdravstvo Federacije BiH imao je priliku ugostiti drage kolege i prijatelje: Josepha Breseeja i Ann Moen iz TFGH-a – The Task Force for Global Health (Atlanta, SAD) te Silviju Bino i Lediju Agolli iz SECID-a – Southeast European Center For Surveillance And Control Of Infectious Diseases.



Tokom njihovog boravka razgovaralo se o aktuelnoj situaciji u vezi nadzora nad gripom i drugim respiratornim virusima, kao i o važnosti pripravnosti i razvoju javnozdravstvenih planova. Razgovaralo se i o obuhvatu imunizacijom protiv gripe rizičnih grupa u BiH, izazovima na terenu te konkretnim koracima za unaprjeđenje postojećih aktivnosti.



Predstavnici ZZJZ FBiH na Međunarodnoj školi medicinskog istraživanja i pisanja

Sarajevo, 3.-4.5.2025. godine

Predstavnici Zavoda za javno zdravstvo Federacije BiH učestvovali su na Međunarodnoj školi medicinskog istraživanja i pisanja u Sarajevu.

Tokom dvodnevne edukacije polaznici su stekli dodatna znanja o naučno-medicinskim istraživanjima, kao i o pisanju naučno-istraživačkih radova.

Eminentni stručnjaci izlagali su o vrstama studija, naučnom načinu mišljenja i razmišljanja, kako se motivisati za pisanje naučnog rada, važnosti odabira i načinima dobre saradnje s mentorom, kao i o tome kako doći do ideje za istraživanje, postavljanju hipoteze,



planiranju istraživanja, prikupljanju podataka, statistici i osnovnim statističkim testovima, finansiranju istraživanja te pisanju i objavljivanju u naučnim i stručnim časopisima.

Učenci iz produženog boravka „Slagalice Mostar“ posjetili ZZJZ FBiH

Mostar, 6.-7.5.2025. godine

Učenci koji pohađaju produženi boravak „Slagalice Mostar“, u pratnji odgajateljice Manuele Mandić i Antonele Aračić, posjetili su Zavod za javno zdravstvo Federacije BiH – OJ u Mostaru.

U laboratoriju za humanu mikrobiologiju ugostila ih je dr. Maja Ostojić, specijalistica medicinske mikrobiologije s parazitologijom

i voditeljica Odjela za humanu mikrobiologiju Zavoda za javno zdravstvo Federacije BiH sa saradnicama.

Učenicima je prikazan video zapis primjeren njihovom uzrastu, a zatim su u laboratoriju upoznati sa hranjivim podlogama na kojima rastu bakterije te učestvovali u edukaciji o značaju redovne higijene ruku.



Svjetski dan Crvenog križa i Crvenog polumjeseca
8.5.2025.





Zavod za javno zdravstvo Federacije BiH na međunarodnoj konferenciji u Neumu

Neum, 14.-15.5.2025. godine

U okviru projekta „EU za povećanje korištenja administrativnih izvora podataka u proizvodnji službene statistike u Bosni i Hercegovini – EU4admin“, u Grand Hotelu Neum održana je međunarodna konferencija pod nazivom „Oblikovanje budućnosti upravljanja podacima u Bosni i Hercegovini“.

Cilj projekta EU4admin je modernizacija

prikupljanja i korištenja statističkih podataka u Bosni i Hercegovini kroz savremene, efikasne i tehnološki napredne procese. Fokus je na jačanju kapaciteta institucija za korištenje administrativnih izvora podataka u izradi službene statistike, čime se postavljaju temelji za bolje upravljanje podacima i usklađivanje sa standardima Evropske unije.



**MJESEC BORBE
PROTIV MELANOMA
2025.**

RANOM DIJAGNOZOM
SPAŠAVAMO ŽIVOT!

ZAVOD ZA JAVNO ZDRAVSTVO FBiH
INSTITUTE FOR PUBLIC HEALTH FB&H

Zavod za javno zdravstvo Federacije BiH potpisao Sporazum o saradnji s Marketinškom firmom VITA media d.o.o. Sarajevo

Sarajevo, 21.5.2025. godine

Direktor Zavoda za javno zdravstvo Federacije BiH doc. dr. sc. prim. Siniša Skočibušić, dr. med. i direktor VITA media d.o.o. Tarik Kuštrić, dipl. oec. potpisali su Sporazum o saradnji s Marketinškom firmom VITA media d.o.o. Sarajevo, na osnovu kojeg će se jačati svijest i in-

formisati javnost o prevenciji različitih faktora rizika po zdravlje i promovisati zdravlje stanovništva. Potpisivanju Sporazuma prisustvovala je i prof. dr. sc. prim. Aida Ramić Čatak, dr. med. - pomoćnica direktora za medicinske poslove i voditeljica Sektora javnog zdravstva.



Objavljen Godišnji izvještaj o zaraznim bolestima i provedenoj imunizaciji u Federaciji Bosne i Hercegovine za 2024. godinu

Federacija BiH, maj 2025. godine

Zavod za javno zdravstvo Federacije BiH objavio je Godišnji izvještaj o zaraznim bolestima i provedenoj imunizaciji u Federaciji BiH za 2024. godinu. Izvještaj sadrži detaljne podatke o kretanju zaraznih bolesti i analizu obuhvata imunizacijom na području Federacije BiH te zaključke i preporuke za unaprjeđenje postojećeg sistema nadzora. Godišnji izvještaj predstavlja važan alat za praćenje javnozdravstvenih trendova i planiranje preventivnih mjera.

Dostupan je na službenoj web stranici



Zavoda za javno zdravstvo Federacije BiH:
<https://www.zzjzfbih.ba/knjiznica/biblioteka/publikacije/godisnji-epidemioloski-bilteni/>



ZZJZ FBIH stručno podržao medijski forum – Efikasno izvještavanje o implementaciji Zakona o kontroli duhana u Federaciji Bosne i Hercegovine

Sarajevo, 24.5.2025. godine

Udruženje PROI, u saradnji s Federalnim ministarstvom zdravstva i Zavodom za javno zdravstvo Federacije BiH, organizovalo je i realizovalo forum za medije posvećen ulozi medija u efikasnom izvještavanju o implementaciji Zakona o kontroli i ograničenoj upotrebi duhana, duhanskih i ostalih proizvoda za pušenje u Federaciji Bosne i Hercegovine.

Forum je organizovan s ciljem unaprjeđenja

naučno utemeljenog medijskog izvještavanja i postizanja efikasnijih rezultata Zakona, a u susret njegovoj punoj implementaciji 13. juna 2025. godine. Na forumu je učestvovalo oko 20 medijskih profesionalaca (novinara i urednika) iz FBIH, koji su imali priliku da se upoznaju sa resursima i alatima za naučno utemeljeno izvještavanje u okviru kontrole duhana.



Održana dvodnevna edukacija za facilitatore Programa “Zdravo jedi, zdravo rasti”

Sarajevo, 26.-27.5.2025. godine

U okviru realizacije sedme faze intersektorskog Programa “Zdravo jedi, zdravo rasti”, čiji je cilj unaprjeđenje ishrane dojenčadi, predškolske i školske djece u Federaciji BiH te poboljšanje stanja njihove uhranjenosti, rasta i razvoja, Zavod za javno zdravstvo Federacije BiH organizovao je Radionicu za facilitatore o implementaciji Programa koja je održana u

Organizacijskoj jedinici u Sarajevu.

Predavači su bili prim. dr. sc. Aida Filipović Hadžiomerađić, dr. med. - voditeljica Programa “Zdravo jedi, zdravo rasti”, prim. dr. sc. Aida Vilić Švraka, dr. med. i Elvedina Žiga, dr. med. Polaznici radionice bili su predstavnici deset odgojno-obrazovnih ustanova u Federaciji BiH.



Održan sastanak stručnjaka za nadzor nad gripom i drugim respiratornim virusnim infekcijama

Sarajevo, 28.5.2025. godine

U Zavodu za javno zdravstvo Federacije BiH – Organizacijskoj jedinici u Sarajevu 28.5.2025. godine održan je sastanak stručnjaka za nadzor nad gripom i drugim respiratornim virusnim infekcijama u Federaciji BiH. Sastanku su prisustvovali članovi ILI i SARI sentinel jedinica iz Sarajeva i Mostara (ILI - bolest slična gripi, eng. *Influenza-like*

illness i SARI - teške akutne respiratorne infekcije, eng. *Severe acute respiratory infections*).

Cilj sastanka bio je razmjena informacija i iskustava iz prethodne sezone, kao i planiranje aktivnosti za narednu sezonu gripe s naglaskom na jačanje sistema nadzora i unaprjeđnje imunizacijskih aktivnosti protiv gripe.



Održana dvodnevna edukacija za supervizore Programa “Zdravo jedi, zdravo rasti”

Sarajevo, 29.-30.5.2025. godine

U okviru realizacije sedme faze intersektorskog Programa “Zdravo jedi, zdravo rasti”, čiji je cilj unaprjeđenje ishrane dojenčadi, predškolske i školske djece u Federaciji BiH te poboljšanje stanja njihove uhranjenosti, rasta i razvoja, Zavod za javno zdravstvo Federacije BiH organizovao je Radionicu za supervizore o implementaciji Programa koja je održana u Organizacijskoj jedinici u Sarajevu.

Predavači su bili prim. dr. sc. Aida Filipović Hadžiomerađić, dr. med. – voditeljica

Programa “Zdravo jedi, zdravo rasti”, prim. dr. sc. Aida Vilić Švraka, dr. med. i Elvedina Žiga, dr. med. Polaznici radionice bili su predstavnici kantonalnih zavoda za javno zdravstvo u Federaciji BiH.

Svi učesnici su kroz niz interaktivnih prezentacija upoznati o osnovnim ciljevima i implementaciji sedme faze Programa, razmijenjena su iskustva iz prethodnih faza te usvojena znanja i vještine ključne za superviziju Programa.





SVJETSKI DAN MULTIPLE SKLEROZE 2025



30. maj/svibanj

SVJETSKI DAN NEPUŠENJA 2025. 31. MAJ/SVIBANJ



Agencija za sigurnost hrane BiH dodijelila Zavodu za javno zdravstvo FBiH zahvalnicu za višegodišnju uspješnu poslovnu saradnju

Mostar, 3.-4.6.2025. godine

Agencija za sigurnost hrane Bosne i Hercegovine, u saradnji s Kancelarijom Svjetske zdravstvene organizacije u BiH, organizovala je konferenciju povodom Svjetskog dana sigurnosti hrane na kojoj su predstavljena naj-

novija naučna i stručna saznanja o temama iz svih segmenata "jedinственог zdravlja", uključujući antimikrobnu rezistenciju, zoonoze, zdravlje bilja i sintetičke hemikalije u okolišu i hrani.

Agencija za sigurnost hrane BiH je tokom konferencije dodijelila Zavodu za javno

zdravstvo FBiH zahvalnicu za višegodišnju uspješnu poslovnu suradnju.





Predstavljen Program “Zdravo jedi, zdravo rasti” uz druženje s građanima i medijima

Sarajevo, 9.6.2025. godine

Zavod za javno zdravstvo Federacije BiH, kao koordinirajuća stručno-tehnička institucija na nivou Federacije BiH za pitanja ishrane dojenčadi i djece, u saradnji s Federalnim ministarstvom zdravstva, Federalnim ministarstvom obrazovanja i nauke/znanosti, UNICEF-om Bosne i Hercegovine te nizom vladinih i nevladinih partnera s lokalnog nivoa, realizuje sedmu fazu Programa „Zdravo jedi, zdravo rasti“.

Cilj Programa je unaprjeđenje ishrane dojenčadi, predškolske i školske djece u

Federaciji BiH te poboljšanje stanja njihove uhranjenosti, rasta i razvoja.

Tim povodom, Zavod za javno zdravstvo Federacije BiH organizovao je u Importanne centru u Sarajevu druženje s građanima i medijima. Predstavljeni su osnovni ciljevi Programa, načini njegove implementacije, naglašena uloga roditelja i odgojno-obrazovnih ustanova u pravilnoj ishrani kao jednom od ključnih predušlova za pravilan rast i razvoj te prevencija niza oboljenja u djetinjstvu i odrasloj dobi.



Radionica u Neumu: Pravilna ishrana je temelj za kvalitetan početak svakog djeteta

Neum, 12.-13.6.2025. godine

U organizaciji Zavoda za javno zdravstvo Federacije BiH i uz podršku UNICEF-a BiH, u Neumu je održana dvodnevna Objavna radionica o implementaciji sedme faze programa “Zdravo jedi, zdravo rasti”. Ovaj Program realizuje Zavod za javno zdravstvo Federacije Bosne i Hercegovine, kao koordinirajuća stručno-tehnička institucija na nivou Federacije BiH za pitanja ishrane dojenčadi i djece, u saradnji s Federalnim ministarstvom zdravstva, Federalnim ministarstvom obrazovanja i nauke, UNICEF-om BiH te nizom vladinih i nevladinih partnera s lokalnog nivoa.

Cilj Programa je unaprjeđenje ishrane



dojenčadi, predškolske i školske djece u Federaciji BiH te poboljšanje stanja njihove uhranjenosti, rasta i razvoja.

Na radionici je učestvovalo oko 140 stručnjaka iz područja javnog zdravstva, ranog rasta i razvoja i obrazovanja, odgojno-obrazovnog osoblja, donosioca odluka, predstavnika lokalnih zajednica i međunarodnih partnera, a sve aktivnosti ove, sedme faze programa, finansira UNICEF u BiH.



Predstavnici ZZJZ FBiH učestvovali na međunarodnoj konferenciji „Leading by Innovation in Healthcare“ u Latviji

Riga, 18.6.2025. godine

Predstavnice Zavoda za javno zdravstvo Federacije BiH, doc. dr. sc. Šeila Cilović Lagarija, dr. stom. – specijalista socijalne medicine i voditeljica Službe za biostatistiku i informatiku te Amela Čato, diplomirani inženjer medicinske radiologije – šefica Kabineta direktora Zavoda za javno zdravstvo Federacije BiH, učestvovala su na Međunarodnoj konferenciji „Leading by Innovation in Healthcare“ održanoj u Univerzitetnoj bolnici Pauls Stradins i njenom





istraživačkom institutu u Rigi, koja je okupila rukovodioce zdravstvenih ustanova i međunarodne stručnjake iz Latvije i drugih zemalja Evropske unije.



“Zdravo jedi, zdravo rasti”: Edukacija osoblja iz odgojno-obrazovnih ustanova iz HNK i ZHK

Mostar, 18.6.2025. godine

Zavod za javno zdravstvo Federacije BiH nastavlja implementaciju sedme faze Programa „Zdravo jedi, zdravo rasti“ ciklusom radionica koje su namijenjene radnim grupama 38 odgojno-obrazovnih ustanova iz svih deset kantona Federacije BiH, nominovanih da učestvuju u procesu akreditacije za sticanje naslova „Odgojno-obrazovna ustanova – prijatelj zdrave ishrane“.

Prva uvodna radionica za osoblje odgojno-obrazovnih ustanova iz Hercegovačko-neretvanskog kantona i Zapadnohercegovačkog

kantona održana je u Mostaru.

Za potrebe Programa, Zavod za javno zdravstvo Federacije BiH producirao je “Vodič za zdravu ishranu predškolske djece – Priručnik za roditelje”, “Vodič za zdravu ishranu predškolske i školske djece – Priručnik za odgojno-obrazovno osoblje” i “Vodič za zdravu ishranu školske djece” te niz drugih dokumenata, postera i letaka. Edukativni i promotivni materijali distribuiraju se roditeljima, odgojno-obrazovnom osoblju i medijima u Federaciji BiH.



Održana regionalna UNICEF-ova radionica: Multisektorski pristupi za povećanje obuhvata imunizacijom

Istanbul, 23.-25.6.2025. godine

Doc. dr. sc. prim. Siniša Skočibušić, dr. med.-direktor Zavoda za javno zdravstvo Federacije BiH učestvovao je na regionalnoj UNICEF-ovoj radionici naziva „Boosting Immunization Coverage and Equity through Assessment, Tar-

geted Improvement Plans, and Multisectoral Approaches“, održanoj u Istanbulu.

Radionicu je organizovao UNICEF Regionalna kancelarija za Evropu i Centralnu Aziju, s ciljem razmjene iskustava i načina za povećanje

obuhvata imunizacijom s posebnim naglaskom na djecu koja nisu primila niti jednu

vakcinu (zero-dose children) i druge ranjive grupe.



IAEA donirala ZZJZ FBiH dozimetre za terensko ispitivanje jonizirajućeg zračenja i radioaktivne kontaminacije

Sarajevo, juni 2025. godine

Međunarodna agencija za atomsku energiju (eng. International Atomic Energy Agency – IAEA) donirala je Zavodu za javno zdravstvo Federacije BiH dva prenosna dozimetra: RadEye B20-ER Thermo Scientific, namijenjena za ispitivanja jonizirajućeg zračenja i radioaktivne kontaminacije na terenu.

Donirana oprema će unaprijediti kapacitete Zavoda za javno zdravstvo Federacije BiH u izvršavanju redovnih poslova i zadataka zaštite stanovništva od ekspozicije jonizirajućem zračenju. Donacija je realizovana u sklopu Projekata *Strengthening Technical Services Capacities in Nuclear and Radiological*



Emergency Preparedness and Response and Supporting the Installation, Commissioning, and use of a Linear Accelerator up to 2 MeV Protons koji je podržala Državna regulatorna agencija za radijacijsku i nuklearnu sigurnost BiH.

Glavni i odgovorni urednik
prim. dr. sc. Siniša Skočibušić, dr. med.

Zamjenica glavnog i odgovornog urednika
Elvedina Žiga, dr. med.

Lektorisala
Maja Kojović

Dizajn
FRAM-ZIRAL d.o.o., Mostar

Izdavač
Zavod za javno zdravstvo
Federacije Bosne i Hercegovine

ISSN
2831-1604

Mjesto i godina izdavanja
Sarajevo/Mostar, 2025.

ZAVOD ZA JAVNO ZDRAVSTVO FEDERACIJE BOSNE I HERCEGOVINE

Organizacijska jedinica u Mostaru

📍 Vukovarska 46
☎ +387 36 382 101
✉ kabinet.mo@zzjfbih.ba

Organizacijska jedinica u Sarajevu

📍 Maršala Tita 9
☎ +387 33 564 601
✉ kabinet.sa@zzjfbih.ba

